



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Prognosticon Aus Gottes Wort nötige Erinnerung/ Vnd
Christliche Busspredigt zu dieser letzten bösen Zeit An
hohe vnd nider Standes Deutsches Landes: Auff den
Cometen/ so von Martini des 1577. Jars/ ...**

Irenäus, Christoph

[Erscheinungsort nicht ermittelbar]

VD16 I 292

XXII. Was den fromen Christen vnd dem sehr kleinen Heufflein der
Gleubigen zuthun sey/ bey der Welt Sicherheit.

urn:nbn:de:hbz:466:1-36702

alles mit einander / vnd wil schier in ein hauffen fallen.

7. So zagen vnd verschmachten auch viel Menschē aus Schwermut / trawrigkeit vnd furcht der zukünfftigen dingen / Luce 21. Vnd sind also fast alle Zeichen ergange / von welchen Christus geweisaget / Das sichs lest ansehen / das nicht allein erbermliche vnd grausame Straffen vorhanden / Sondern auch der Jüngste tag vnd der Welt Ende für der Thür sey / Wie auch im Ezech. vnd Offenbarung Johannis erscheint / Vnd Lutherus auch mit zustimmet vnd bezeuget in der Vorrede der Offenbarung / da er spricht / Auff den Türcken oder Joch folget flugs das Jüngste Gericht / vñ wird als denn die heilige Stadt / das ist / die Christliche Kirche / vollend bereit als ein einige Braut zur ewigē Hochzeit vnd freude gefüret werden / vnd wird Christus allein Herr mit dem Vater vnd Son / heiligen Geist bleiben : Dagegen alle Gottlosen sampt dem Teuffel / densie gedienet / in die Helle vnd fewrigem Schwefelpful gestürzt / vnd ewig darinnen verdampft vnd gequelet bleiben.

XXII.

Was den fromen Christen vnd dem sehr fleischnen Heufflein der Gleubigen zuthun sey / bey der Welt Sicherheit.

W^{il} wir nun gehöret / wie Gott vnser manigfaltige Sünde heimsuchen werde / darzur zorn vñ Straffzeichen vns heuffig fürstellet / die vns billich neben dem Wort vnd Buspredigten zur busse vermanen sollen / vnd der größte Hauff der Welt allezeit Gottes zorn vñ drawē in wind schlegt / in Sünden verharret / die Busprediger verachtet vnd verfolget / vnd nicht ehe gleubet / bis inen der Glaube in die Hand kompt / vnd sie Gottes zorn mit Ach vnd Weh fülen / So sollen vnd

Do 3 wöllens

wöllen wir Gott anruffen / das er vns durch seinen heiligen Geist Genade verleihen wölle / vnd vnser Herz gnediglich erleuchten vnd bekeren / das wir vnser Sünde erkennen vnd bekennen / rew vnd leyd darüber tragen / dauon ablassen / vnd vns in rechter Demut vnd Glauben zu jm bekeren / in fürchten / vns der Gottlosen Welt nicht gleich stellen / vnd sein liebes Euangelium hören vnd ehren / welches zu diesen letzten zeiten so hell erschienen durch Doct. Lutherum / das Christus beyde Papst / wie er angefangen / vnd alle Schwermer / das zu den Türcken / Moscobiter / Thattern / sampt allen Tyrannen vnd Feinden der Christlichen vnd geplagten Kirchen / bald mit seiner herlichen Widerkunfft wölle hinrichten vnd abhelffen / vnd vns einmal ganz vnd gar erlösen / welches wir teglich warsten / Amen.

ET D E.